

АРЛЫДООС

Мукши палъёссэ кырза

Валентина ЕМЕЛЬЯНОВА

Национальной библиотекалэн «Торо сэрег» ужрадаз таяз учыре куное вуыллызы Якшур-Бодья ёросысь Мукши гуртысь крезгурчи Римма Шкляева но «Палэзэ сйзыл» ансамбль.

Та ужрадэ быдэс Мукши люкаськемын вал кад: муниципал кылдытэтэн кивалтйсь Анатолий Брюхачев, школаын но культура удысын ужасьёс, Римма Ивановналэн кузпалыз Михаил Григорьевич но соослэн чыжы-выжыоссы...

Римма Ивановна трос аръёс чоже нылпиосты визьнодан бордын тыршемь. Ужысь ветеран, дышетон удысысь отличник, зеч тыршемез «За трудовую доблесть» медален но уно пёртэм данъян грамотаосын пусьемын. Нош али гуртысь клубе репетициосы пота.

- Быдэс гужемзэ тэк пукыны маза ой вал, «Палэзэ сйзыл» ансамбле ветлйсьёсын чош пырыськымы Мукши муниципал



Якшур-Бодья ёросысь Мукши гуртысь Р. Шкляева.

кылдытэтэ пырысь гуртгёслэсь вордскем нуналгёссэс ортчыгъянэ. Соин но, вылды, кузпалы монэ «гастролёр» гинэ нима, - шуэ Римма Ивановна.

Та вакытэ Римма Шкляевалэн 100 пала кырзангёсыз люкаськемын ни, «Вуонтэм Мукши палъёс» но «Сюлэм гуртгёс» сборникгёсыз печатламын. Нырысетй кырзанзэ ожын бырем атаезлы сйзиз. Бубызэ оже бастыкузы, Риммалы 2 арес гинэ вал.

Бёрысь но Быдзым ожлы, ожын быремгёслы сйзем кырзангёсыз вордскизы на. Нош одйг нуналэ малпангёсыз чутрак воштйськызы, весь-а тазы жож кырзангёсты кырзалод шуыса, шулдыр гуртгёс малпалляны одяз. Озы со Л. Хрулёвалэн, В. Романовлэн, И. Бобровлэн кылбургёсызъя быдэн 7 кырзан кылдытйз. Лушкем порам гуртгёсэ калык азын нырысьсэ возматны дйсьтйз 2002-тй арын. Виль гуртгёсэ «Палэзэ сйзыл» коллективныз сцена вьлэ потто. ***

НЫЛПИОС

«Даралиосты» ушгъязы

Ангелина СНИГИРЁВА

Сьёлта ёросысь Виль Мёнъя школаысь нылпиослэн «Дарали» ансамбльзы Вологда улосын ортчем «Наследники традиций» фестивалысь 3-тй интыен бергйз.

Вологда улосысь дышетонъя но туризмез азинтонъя «Корабелы Прионежья» центре люкаськылызы быдэс Росиысь 3 сюрслэсь ятыр пиналгёс. Соос быгатонлыксэс возматйзы пёртэм номинациосъя, кылсярысь, пыжгёс лэсьтон, калык шудон, куиськон, фольклор но мукет. «Даралиос» удмурт сям-йыллолгёсын тодматйзы.

- Конкурс сярись бергинэ тодймы, - вера коллективлэн кивалтйсьез Светлана Хлебова. - Мармы вань вал - гоштэм кырзангёсмы, видеое пуктэм эктонмы - ваньзэ устыр-табыр конкурсэ келямы. Вожвильгёсконлэсь заочной этапсэ ортчимы шуыса, ивор вуиз августэ. Милемыз Вологдае отйзы. Туж шумпотймы, бадзым ужрадэ нырысьсэ пырыськыскомы уго. Конкурс азын нуналлы быдэ сямен репетициосы ветлйм.

Фестивале мыныны ансамбльмылы коньдонэн юртгйз муниципал кылдытэтмылэн йырыз Виктор Лимонов. Вологдаын милемыз туж шунит пумитазы. Фольклоръя номинацие пырыськысьёс трос ой вал, ваньзы огкадгес программаос дасяллям - кырзангёсын. Нош ми, кырзам сяна, «Йо келян» сям-йыллолзэ возматймы, удмурт калык эктон быдэстймы на. Дунгъясгёс милемыз ушгъязы, программаны яркит но узыр шуыса. Нылпиослэсь быгатонлыксэс эскеризы Москваысь консерваториысь адымиос. Но, малпасько, соослы милемыз дунгъяны секытгес вал, угось вань программаны удмурт кылын чузъяськызы.

Фестиваль 4 нунал чоже кыстыськызы, ваньмыз туж тунсыко вал, тэк пукыны маза бз сётылэ. Пиналгёслы тужгес кельшизы мастерклассгёс. Нылгёс гончарной круг сьёрын пукемзэс Вологдаысь вуэмзы бере но кема тодазы вайызы на, соослы яраз горд сойлэсь шудонгёс лэсьтыны, пиослы тунсыко потйз дурисьлэн уже ныз тодматскыны. Ужрадын лэсьтэм арбериоссэс нылпиос ваньзэ сьёразы кузьымлы вайызы. ***

Син адзыку...

Валентина ЕМЕЛЬЯНОВА

Эгра ёросысь Нюнягуртын улйсь Юлия Григорьевна Силина 80 арессэ ортчемын ни ке но, тэк пуко-нэз уг тоды. Юрт котыраз берга, киужен выре.

Юлия Григорьевна вань улонзэ Нюнягуртын ортчятэмын. Кузпалэныз 5 пинал вордйзы. 42 ар колхозын ужамын, со пёлысь 27-зэ пудо вордон удысын тыршиз. Зеч ужамез уно данъян грамотаосын пусьемын. Ас вакытаз шаерысьтымы устоез пудо возмась, социалистической соревнованилэн 2 пол vormисез, дано колхозник вал. Озы ик усто ужамез понна солэн нимыз пыртэмын ёросысь Данъян книгае. Со дырысен трос аргёс ортчизы, но солы дораз пукыны маза өвёл. Я гуртысь ветерангёслэсь улэм-вылэмзэс эскере, я кыче ке ужрадгёсы отё.

- Табере огнам улйсько, одйгез пие гуртамы ик яна потэмын, кузпалы улоньсь кошкызы ни, - шуэ арлыдо кышномурт. - Азвиль аргёсы гид тыр живот вордй, та вие куреггёсы, пуные но кочыше гинэ вань. Соос котырын бергаса ик, нунал



Эгра ёросысь Нюнягуртысь Ю. Силина.

ортче, нош куноетй ветлыны уг яратйськы, гуртын пукыны дышемь.

Туала улонлэсь но бере кылемез уг поты, нуналлы быдэ иворгёсты сак кылзэ, газетгёсты лыдзё. Али-

гес ортчем быргёнэ но вазь чукна ик лыктэм.

- Трос аргёс чоже гуртысь ветерангёслэн огазеяско-нэнызы кивалтй, - веранзэ

азылангэ Юлия Григорьевна. - Вазенгес вал со, Кун Кенешлэн 2-тй созываз милям округмыа Софья Широкова мынэ вал, гуртоос пёлын бадзым валэктон уж нуиськызы. Со дырысен ваньмыз тунсыко потэ: гуртлэн но колхозлэн азинскемез, политикаын ортчись воштйськонгёс но мукет ужпумгёс. Пель секытгес ке но, син адзыку, ваньзэ тодэм потэ на.

80 арессэ ортчем кышномурт туалы улонлы уг жоштйськы, пенсия сётыку, пе, улыны луоно, тазалык гинэ медаз чуты. Жыггёсы, книга-газет лыдзём сяна, мыло-кыдо киужен выре. Азвиль аргёсы кергтйське, пужкытйське вьлэм, нош берло дыре тросгес черсэ. Ужлы дышем кышномурт паймемь, бж вордйсьёс өвёлэн, пе, кергтэм носки нуллысьёс жоген уз быре-а, мар-а.

Арлыдоослэн нуналзы азын Эгра ёросысь мёйюсты котыкуд муниципал кылдытэтын сйлы карызы. 29-тй сентябре Мазыгысь клубе люказы Мазыги, Нюнягурт но Порвай гуртгёсысь пенсионергёсты. Соослы Мазыгысь нылпиос, культура удысын ужасьёс шулдыр концерт пуктйзы, нош гурт хозяйствон кивалтйсьёс ческыт жукен куноятйзы. ***